

գտնւում է 2000 վերստ հեռաւորութեամբ Աաշկարի և իսկապէս Զինատանի միջև: Աաշկարում Պելլիօ-ն յայտնագործեց մի տաճար քաղմաթիւ ձեռագործներով, որոնք միաժամանակ արտայայտում էին յունական գեղարուեստը և հնդկական երևակայութիւնը: Գուգդուր-Ակուրում նա դտաւ այրուած շինութեան աւերակների տակ հարուստ մատենադարանի հետքեր: Աերջապէս անապատի ամենածայրին Տուան-խուան-ի մօտ նա ներս մտաւ մի գաղտնի նկուղ, ուր 12 դարերի ընթացքում հանգստանում էր մատենադարան, որ բոլոր ասիական լեզուներով ձեռագրեր է բովանդակում:

Թարգմ. Յ. Ա. Ե.



Տ Ե Ղ Ե Կ Ա Տ Ո Ւ

Տօնական շաբաթ.—Յունիսի 6-ից սկսուեցին Ս. Հռիփօսիմեանց և Գայիանեանց կոյսերի տօները: Մայր Աթոռիս միաբանութիւնը սովորութեան համեմատ նախատօնակին ու ս. պատարագին նեկոյ եղաւ վանքերում: Այս տարի տեղացոյ անձրեւների պատճառով ժողովուրդը սակաւ էր: Ամսիս 11-ին և 12-ին շաբաթ և կիրակէ, «Ս. Լուսաւորչի ելն ի վերապէն» և «Կաթուղիկէ Ս. Էջմիածնի» տօներին հանդիսաւոր ժամերգութիւն և ս. պատարագ մատուցուեցին Մայր Տաճարում, պատարագիչներն էին—շաբաթօրը՝ Մագիստրոս Տ. Մեսրոպ եպիսկոպոս, իսկ կիրակէօրը՝ Կաթուղիկոսական Տեղակալ Տ. Գէորգ արքեպիսկոպոսը: Կատարուեց մաղթանք Մայր Աթոռի հաստատութեան համար: Կային բաւական ուխտաւորներ երևանից և շրջակայ տեղերից:

Դպրոցական հանապարհորդութիւն.—Յունիսի 8-ին եկան Մայր Աթոռս նոր նախիջևանի թեմական դպրոցի 2. դասարանի աշակերտները թուով 24 հոգի իրանց երկու դաստիարակների հետ. դիտեցին Մայր Աթոռի և շրջակայքի կարևոր հաստատութիւններն ու հնութիւնները և վեց օր հիւր մնալով Մայր Աթոռում՝ յունիսի 13-ին գնացին

շարունակելու իրանց դպրոցական ճանապարհորդութիւնը:

Նուէր ձեմարանի մասեմագարանին. Տիկին Վարվառէ Քանանեանը, որ 30,000 ուրլի էր նուիրել Մայր Աթոռի ձեմարանին կից մանկավարժական թանգարան կառուցանելու, Մայիս ամսին գալով Մայր Աթոռ և այցելելով ձեմարանը՝ մի հարիւր ուրլի նուիրեց ձեմարանի մասեմագարանին կարեւոր գրքեր գնելու համար:

Նուէր Մայր Տաճարին — Հանգ. Աղեքսանդր Մանթաշեանի ժառանգները Ամեն. Տեղակալ սրբազանի անունով Մայր տաճարին նուէր են ուղարկել մի ծանրադին գիպակ գիպարդ, որ նսրին Բարձր-Սրբազնութիւնը յանձնեց լուսարարապետ Տ. Ղեօնդ եպիսկոպոսին մուծելու Մայր տաճարի զարդերի և անօթների տումարի մէջ:

Հանգ. Աւետ. Բալ. Ղուկասեանի քուսկաւորներ. Հանգուցեալ Աւետիք Բալայեան Ղուկասեանի աշխարհական թոշակաւորները ընտրուեցին բարձրագոյն դպրոցներում ուսանելու համար պ. Սենեքերիմ Տէր Յակովբեան և Յակովբ Յարութիւնեան, — երկուսն էլ ձեմարանի սաներից. առաջինն արդէն ուսանում էր Գերմանիայում, երկրորդը անցեալ տարի աւարտեց, նա 1910 թուին ուսուցիչ էր թաւրիղում և այս տարուանից պէտք է սկսի ուսանել:

Տաճարի վերանորոգութիւն. Մայիսի վերջերին Թիֆլիսից Մայր Աթոռ եկան Մայր Տաճարի վերաշինութեան յանձնաժողովի անդամ ճարտարապետներն ու նկարիչները, և տեղումը գիտելով ինչ որ հարկաւոր էր, եկան այն եղրակացութեան, որ առանց փոփոխութիւնների անելու տաճարի այժմեան կազմի մէջ, միմիայն ներքուստ և արտաքուստ նորոգելու ծրագիրը պէտք է կազմեն ու կարճ ժամանակում ներկայացնեն Մայր Աթոռի կենդրոնական յանձնաժողովին ընթացք տալու, որ վերանորոգութիւնը սկսուի եկող տարի:

Նոր Սարկաւազներ. Կաթուղիկոսական Տեղակալ Տ. Գէորգ Արքեպիսկոպոսի օրհնութեամբ յունիսի 4-ին, Ս.

Գայիանէի վանքում Մաղխարոս Տ. Մեսրոպ եպիսկոպոսը սարկաւագ ձեռնադրեց Մայր Աթոռի նոր միարան Արէլ Աբրահամեանին և Ռուբէն Մանասեանին, որոնք և նշանակուեցին Տեղակալ Սրբազանից Տալարանի վարչութեան անդամներ:

Ա. Էջմիածնի ձեմարանի Գ. լսարանի և Զ. դասարանի ընթացաւարտներ. Այս տարի Մայր Աթոռի Հոգևոր ձեմարանում աւարտական քննութիւնները սկըսուեցին ապրիլի 20-ին և տեւեցին մինչև յունիսի սկիզբը:

Լսարանական եռամեայ դասընթացն աւարտեցին հետևեալ հինգ ուսանողները. 1) Այվազեան Հմայեակ Կարնեցի, 2) Յովհաննիսեան Ալէքսան Առակցի (վերաբնակ Պարսկաստան), 3) Վարդապետեան Վահան, Էվջիլարցի (Սուրմալուի գաւառ.), 4) Տէր-Յարութիւնեան Սահակ, Կոթի գիւղացի (Ղաղախի գաւառ.) և 5) Տիրացուեան Արտաշէս, Շումլացի (Բուլղարիա): 4 հոգի էլ մնում են առաջիկայ աշնան սկզբին վերաբննութիւն տալու. Գ. լսարանի բոլոր ուսանողները ներկայացրել են աւարտական շարագրութիւններ:

Դպրանոցական Զ. դասարանի լիակատար դասընթացքն աւարտեցին հետևեալ աշակերտները.

1) Բաղիլ Յովհաննէս, Թեհրանցի. 2) Բաղդասարեան Երեմիա, Գորիսեցի. 3) Գաբրիէլեան Գարեգին, Փարպեցի. 4) Գուլոյեան Աբրահամ, Սալմաստեցի. 5) Դանիէլեան Աշոտ, Շուշեցի. 6) Դարբինեան Արշաւիր, Վանեցի 7) Երկարակեցեան Միսակ, Բաղէշցի. 8) Թաթուլեան Կարապետ, Անուխեցի (Սուխումի շրջ.) 9) Ղարիբեան Զարեհ, Թեհրանցի. 10) Մահտեսի-Գրիգորեան Ռափայէլ, Սալմաստեցի. 11) Մահտեսի-Մարտիրոսեան Գէորգ, Գէշերլուեցի (Էջմիածնի գաւառ.), 12) Մառանջեան Մեսրոպ, Ալէքսանդրապոլցի. 13) Մարտիրոսեան Մեսրոպ, Խլաթցի. 14) Մելիք-Բաբայեան Արշակ, Բաշքեանդցի (Դարալագեաղի գաւառ.) 15) Պարթևեան Խոսրով, Վանեցի, 16) Սարգսեան Հրանտ, Սալմաղարցի. 17) Սիմէօնեան Մկրտիչ,

Ալէքսանդրապօլցի. 18) Տէր-Աւագեան Անուշաւան, Էր-
դափինցի. (Գարալագեազի գ.), 19) Տէր-Իսրայէլեան
Արիստակէս, Համգաշեղցի (Տարօնի թեմ), 20) Տէր-Յա-
կօբեան Վաղինակ, Թաւրիզեցի. և 21) Քոչարեան Ստե-
փան, Վաղարշապատցի: Յ հոգի էլ վերաքննելի են առա-
ջիկայ ուսման տարուայ սկզբին:

Աւարտող լսարանցիները յունիսի 5-ին, կիրակի օրը,
ս. պատարագից յետոյ Ամենապատիւ Տ. Տեղակալի, վան-
քի միաբանութեան, Ճեմարանի ուսուցիչների և հասա-
րակութեան ներկայութեամբ հոգեհանգիստ կատարեցին
Ճեմարանի Հիմնադրի՝ երջանկայիշատակ Գէորգ Գ. կա-
թօլիկոսի գերեզմանի վրայ. ուսանողներից մէկը, Գառ-
նիկ Շահինեան, իւր և իւր բնկերների կողմից երախտա-
գիտական զգացմունքով մի ճառ արտասանեց՝ նուիրած
հանգուցեալ Հիմնադրի յիշատակին և նրա կառուցած
կրթական տաճարին, խոստանալով կեանքի մէջ ծառայել
հայ ժողովրդի մտաւոր և բարոյական վերածնութեան:

Շիրվանզադէի յօրելեանը. — Անցեալ մայիսի 22-ին
Թիֆլիսում մեծ հանդիսաւորութեամբ տօնուեց հայ վի-
պագիր և թատերագիր պ. Ալէքսանդր Շիրվանզադէի
գրական գործունէութեան երեսնամեակը: Բոլոր լրագր-
ները լի էին յօրելեարի մասին տեղեկութիւններով և
յօրելեանական տօնի նկարագրութիւններով: «Արարատ»ը
դեռ անցեալ տարի պ. Շիրվանզադէի վէպերի մասին
տպել էր մի վերլուծութիւն:

Ի սրտէ ցանկանում ենք պ. Շիրվանզադէին առողջու-
թիւն և հոգւոյ անդորրութիւն՝ իւր բեղմնաւոր գրչով
հարստացնելու մեր աղբատիկ գրականութիւնը:



Յայտնի բանաստեղծ, մանկավարժ և հրապարա-
կախօս ծերունի Ղազարոս Աղայեանցը յունիսի 20 - ին
յանկարծամահ եղաւ: